

## 二經同卷

知四

佛說無量門微密持經與後經同  
第二三四  
佛說出生無量門持經與前後經同本

佛說無量門微密持經

吳月氏國優婆塞支謙譯

聞如是一時佛遊於維耶離國大樹精舍

朱

佛告賢者大目捷連汝行請諸遊三千大千  
世界比丘爲弟子行及菩薩行者使會目連  
受教步須彌頂以道神力周徧佛界聲告使  
知應時精舍有四十萬比丘會復現神足令  
是天下倚行比丘悉會精舍稽首畢一面住  
佛復告慧見菩薩敬首菩薩除憂菩薩真界  
菩薩去蓋菩薩聞音告薩殆棄菩薩衆手菩  
薩辯立菩薩慈氏菩薩汝等行請十方無央  
數佛國諸一生補處無所從生法忍及不退  
轉信解菩薩悉令會此即皆受教而爲感應  
應時有八百億一生補處菩薩三百億得無  
所從生法忍菩薩百億不退轉菩薩六百億

信解菩薩皆乘佛旨神足來會  
賢者舍利弗見大衆會心念當問如來妙行  
演現其要令諸菩薩一切望畢得無礙辯逮  
無上正真之道爲最正覺疾使菩薩得四清  
淨何等爲四一曰人淨二曰法淨三曰慧淨  
四曰佛國嚴淨亦疾使菩薩得四願悅何等  
爲四一曰身和悅二曰言和悅三曰意和悅  
四曰滅和悅已得四願悅便入四持門何等  
爲四一曰如文行人持門二曰內深忍入持  
門三曰解人根得入持門四曰知行報善入  
持門舍利弗思念是菩薩清淨無量薰地欲  
令佛說於是佛語舍利弗讚言善哉意至欲  
使諸菩薩疾成持行若舍利弗菩薩行此持  
要句者疾入無量之門得微密持謂是無爲  
無向如正意解爲應爲滅內明順道爲覆上  
迹如微妙行不動寂靜無意無生微密無垢  
清淨自然惟無惟無所著光明悅懌果而大

勇爲美譽動無動以正動近道因能善譽遊  
無至礙入諸法門強而有勢光大照遠解等  
意無不入不斷持實如是舍利弗行持菩薩  
非有數也行無數法爲不以知故諸法斷覺  
而不作不見合法離不見起不見滅不有去  
來現在之知亦不知法已成未成隨佛念行

不念相亦不好亦不種姓不羣從不方土不勞盡不已知無不知不人淨不說法不我利不彼利不法不律不行不除不念身不念人於一切法行無受者名爲念佛爲一切法之正歸也爲是無畏持義之藏妙願已滿上道已備調靜諸定一切德本不由彼致自從法

生種性相好其行自然無邪行無斷行是爲菩薩能學無量門微密之持爲不退轉於無上正真之道所以者何是從衆生之行而致無量得行之持於是佛說偈言

學聞思慧者 可得成道行 菩薩得此持  
常行精進者 十方彼諸佛 說法輒得聞  
一切能受持 執義正不忘 意解如日明  
自恣微妙行 至於無一法 弘大持之門  
一切都是向 善劫共難問 正使一切人  
盡劫共難問 為能擁護經 悉能解諸結  
是生上道署 慕譽蓋於出 其智不可極  
內性好斯經 終時悉得見 其智不可極  
名譽蓋於出 行此爲無量 得爲法王子  
終時悉得見 一切皆授手 常厚護持法  
若於往千劫 而爲不善行 十方佛亦愛  
但當守此經 接行此持者 常厚護持法  
智四

欲聞十方佛 所說悉覺識 當專習是經  
一切可疾得 若願嚴佛國 合成弟子衆  
光相及種好 當從是經得 能除放逸念  
七日專唯是 八十億佛臻 共授以此持  
不以意思意 亦不思無意 意而不有思  
然後可得持 宜熟解此經 勿有希望於道  
得此持如海 不復勤於財 欲安諸天人  
一切願無難 此爲道之生 但當正意行  
又舍利弗菩薩有四法行疾得是持何等爲  
四以厭惡於愛欲以無賊害於衆生以一切  
有而爲布施以無疲歟晝夜樂法復有四法  
行疾得是持何等爲四能習山澤居內行深  
法忍不慕彼利養行無量施不惜軀命復有  
四法行疾得是持何等爲四一曰入八字義  
八字義者謂述敏惟棄悲調滅忍當書持是  
二曰誦說常以調音三曰內性合是法要四  
曰勸行大道之行菩薩如此爲疾得持  
於是佛說偈曰

當棄欲苦行 遠捨愚癡地 無自恣作惡  
惡令墮惡道 是不作彼近 不知利譽事  
愛眼視衆人 必貴始得色 衆人之有諍  
皆由貪爲本 故盡汲汲劇 棄是乃得持  
欲法者晝夜 捨異惟道求 得持而心向  
是以常見經 閑居習佛教 住此不知彼  
深忍却放逸 常如救頭然 法不倚知利  
亦不有身求 見失當棄利 人以利爲行  
快哉得佛教 捨家離衆苦 信者成道學  
敬佛法爲智 智士不貪利 何況行法者  
佛從遠斯成 故當捨利求 當思八字義  
善書持是經 常誦用調已 亦以開化人  
知四  
得坐大智署 一切見十方 無量佛在前  
勸成其道欲 四  
又舍利弗菩薩有四德爲是持何等爲四一  
曰常念諸佛二曰不有邪行三曰疾除行蓋  
四曰得入無量門微密之持  
有昔舍利弗往無央數劫不可計劫時有佛

名寶首耀王號如來至真等正覺明行成爲善逝世間解無上士道法御天人師爲佛衆祐度人無量臨滅度時世有轉輪王名光秉其太子曰無念德首年千六百歲從佛聞得此持而即奉行又七千歲未曾睡卧又七千歲未曾起身坐又七千歲未曾念財利又七

四十萬劫生死之行又是學者欲疾作佛若後得是經如有願樂道行之意則是當立不退轉地必爲無上正真之道何況書持誦行一切人民莫能稱量說其福也

於是佛說偈言

常惟念佛者 衆邪不得便

行蓋欲疾除

千歲一心念行未曾傾倚於是則見九十億佛悉聞說法皆從受持便作沙門積九萬歲以是無量門微密之持解說衆人於一世中成就八十億人使行無上正真之道誘進出家立不退轉地彼時衆中有尊者子名爲月行聞是法要盡心願樂以此德本值七十億

得妙無量持 天人莫能計 信向不迴動 得持惡道斷 即至無上道 見佛九十億 過此非有難

聞經心願樂 書持敬諷誦 福廣無有量 所生輒見佛 體解深經要 疾覺無上道 不失定大財 色好常見佛 尊者子聞持 即追識宿命 得道如其願 若欲疾成佛

佛昔從得上持逮諸菩薩無量之辯其後三劫悉見諸佛三劫末時月行得佛名曰錠光號如來至真等正覺明行成爲善逝世間解無上士道法御天人師爲佛衆祐又彼太子無念德首講說法者則今西方無量壽佛是此賢劫中諸菩薩聞是法願樂者皆得除後

來下常當澡浴淨其被服正色經行慈念衆生思是經要神面不遠必安定誦復有八菩薩今在欲行天常當存念其名曰無愛天無悅可天智光天懷金天積習天願滿天星王天行畜天斯皆敏行此持者也當謹惟持而常恭敬以如應行微妙法忍不得輕試說

時恒沙等菩薩皆得是持而不退轉六十垓天與人未發道意今皆發無上正真之道賢者舍利弗白佛言以何名此經佛言是法之要名無量門微密之持一名成道降魔得一切智當奉持之佛說是已皆歡喜受

佛說無量門微密持經